

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

XXIV. Aventiure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie die boten ze **R**ine quamen.

XXIV. Auentiure.

Die boten dannen foren. ober Gynin lant.
 zwo den Burgonden. dar waren si gefant.
 nach drein edeln kunigen. vnt oveh nach ir man.
 die solden chomen Ezelen. des man gahen do began.

Hinze Bechelaren. chomen si geriten.
da diene man in gerne. daz wart niht vermiten.
sin dienst enbot do Rodeger. vnt oveh Gotelint.
bi in hin ze Rine. vnt oveh des maregraven kint.

Sine liezens ane gabe. von in niht scheiden dan.
daz deste baz gesvoren. die Ezelen man.
Vten vnt ir kinden. enbot do Rodeger.
sine heten in so wäge. deheinen maregraven mer.

Si enboten oveh Pronhilde. dienste vnt got.
triwe unt minne. vnt willigen moot.
do si die rede gehorte. die boten mo sin varn.
si bat div maregrauinne. got von himele bewarn.

E daz die boten chomen. vol durch Bajerlant.
Wärbel der vil snelle. den goten bisschhof vant.
waz der do sinen frivnden. hinze Rine enbot.
daz ist mir vngewizzen. niwan sin golt also rot.

Daz gab er in zeminne. riten er si lie.
do sprach der bisschhof Pilgerim. solde ich si sehen hie.
mir wäre wol zenvote. die swester sone min.
ich mach leider selten. zo zin chomen an den Rin.

Welhe wege si svoren. ze Rine durch div lant.
des enchan ich niht bescheiden. ir golt vnt ir gewant.
daz ennam in niemen. man vorht ir herren haz.
Ezel was vil gewaltich. man erchande in allen landen daz.

Inre tagen zehenen. si chomen an den Rin.
ze Wormze zo der veste. Wärbel vnt Swämmelin.
do sagte man div märe. den konigen vnt ir man.
da chömen boten vrende. Gunther vragen do began.

Do sprach der vogt von Rine. wer toot vns bechant.
von disen vrenden rechen. die choment indaz lant.
daz enwesse nieman. vnze si gesach.
Hagene der chvone. der helt zu Gunthere sprach.

Uns choment niwe märe. des wil ich iv veriehn.
die Ezeln videläre. die han ich hie gesehn.
si hat iwer swester. gesendet an den Rin.
durch die Ezelen liebe. si soln vns willechomen sin.

Si riten vil bereite. fver den palas dan.
ez gefvoren herrenlicher. nie forsten spileman.
des chuniges ingefinde. enpfie si sa zehant.
ir ros man herbergen. vnt hiez behalten ir gewant.

Ir reisfchleider waren. rich vnt so getan.
daz si mit eren mohten. fvr den kunic gan.
der enwolden si niht mere. da zehove tragn.
obf iemen nemen wolde. die boten hiezen daz sagn.

In der selben maze. man ovch lote vant.
die ez vil gerne namen. den wart ez gesant.
do leiten an die geste. verre richer wat.
als ez boten kuniges. zetragen herlichen stat.

Do gie mit vrlouve. da der kunic saz.
daz Ezelen gefinde. vil gerne sah man daz.
Hagene von den sedele. gein den boten sprach.
vnt lief in engegene. des sagten im die chnappen danch.

Durch div chonden märe. vragen er began.
wie sich gehabte Ezelen. vnt ovch sine man.
do sprach der videläre. daz lant gestvnt nie baz.
noch wrden vro die wote. ich sag iv endechliche daz.

Er brahtes zu den wirt. der palas der was vol.
do enpfie man die geste. so man von rehte sol.
minnechliche groezen. in ander konige lant.
Swämmil vil der degene. da bi Gunthere vant.

Der chunic gezogenliche. groezen si began.
sit willechomen beide. ir Ezelen spileman.
vnt iwer hergesellen. hat ioch her gesant.
der kunic von den Hunin. zu der Burgonden lant.

Mit zuht si nigen beide. do sprach Wärbelin.
ir enbiotet sinen dieneft. der liebe herre min.
vnt Chriemhilt iwer swester. her indizze lant.
si habent vns ir heleden. ingroezen triwen her gesant.

Do sprach der forste riche. der märe bin ich vro.
wie gehabt sich Ezelen. so sprach der chunic do.
vnt Chriemhilt min swester. vzer Hunen lant.
do sprach der videläre. diu märe ton ich ir bechant.

Sich gehabt chunige. ir sult wol wizen daz.
indeheimem lande. vrolicher noch baz.
vnt allez ir gedigene. die mage vnt och ir man.
si freuten sich der reise. do wir schieden von in dan.

Gnade siner dienste. die er mir enboten hat.
vnt och miner swester. mir ist liep daz also stat.
daz si so lebnt mit vreden. der chunic vnt sine man.
wande ich doch der märe. gevraget sorgende han.

Die zwene iungen chunige. waren och nu chomen.
wande si diu märe. heten erst vernomen.
durch ir swester liebe. die boten gerne sach.
Giselher der iunge. der zu zin gotlichen sprach.

Ir boten soldet groze. vns willechomen sin.
ob ir dicker woldet. zns riten an den Rin.
ich wän ir frivnde fondet. die ir gerne möhtet sehen.
iv solde von vns degenen. luzzil leides geschehn.

Wir getrowen iv aller eren. sprach do Swämmelin.
ine chvnd iv niht bewären. mit den sinnen min.
wie minneklich iv Ezele. her enboten hat.
vnt iwer edeliv swester. der dinch inhoher wurde stat.

Gnade vnt triwe. mant ivch des kuniges wip.
vnt daz ir ie was wäge. iwer herce vnt iwer lip.
vnt zevorderst dem kunige. sin wir her gesant.
daz ir gerochet riten. zwo zin inder hvnin lant.

Ez sol ovch mit iv riten. der herre Gernot.
Ezele der riche. iv allen daz enbot.
ob ir ivch iwer swester. niht sehn woldet lan.
so wolde er gerne wizen. was er iv rechen hete getan.

Daz ir also vremdet. in vnt siniv lant.
ob iv div kuniginne. wäre nie bechant.
so möht er doch verdienen. daz in ir rochet sehn.
swenne daz geschehe. so wär im liebe geschehn.

*Do sprach der chvnech Gvnther vber dise siben naht.
so chvend ich div märe wes ich mich han bedaht.
mit den minen frivnden di wile solt ir gan.
in iwer herberge vnt svelt vil gvote rve han.

Do sprach aber Wärbelin vnt moecht daz geschehen.
daz wir mine frowen. chonden e' gesehen.
Dien di vil richen e' wir schveffen vns gemach.
Giselfher der edele do vil zehtechlichen sprach.

Das sol iw niemen wenden welt ir fuer si gan.
ir habt miner moter willen gar getan.
want si sihet iwch gerne durch di swester min.
vroun Criemhilden ir solt ir willechomen sin.

Gifelher si brahte da er di vrowen vant.
di boten sach si gerne von der Hivnen lant.
si groztes minnechliche durch ir togende mot.
do sagten ir diu märe di boten hoffsh vnde got.

Ja enbietet iw min vrowe so sprach Swemmelin.
dienest vnde triuwe mohte daz gesin.
daz si iwch dicke sähe ir solt gelovben daz.
so wär in der werlde mit deheinen vreden baz.

Do sprach diu choeneginne des enmach niht gesin.
swie gerne ich dicke sähe di lieben tohter min.
so ist mir leider ce verre des edeln choeneges wip.
no si immer salich ir vnd Eceln lip.

Ir solt mich lazen wizen e' irz geromet hie.
wenne ir wider wellet ine gesach so gerne nie.
boten in langen ziten denne ich iwch han gesähen.
di chnappen ir do lopten daz si daz lizen geschehen.

Zen herbergen foren di von Hivnen lant.
do het der koenech riche nach frivnden sin gesant.
Ewenther der edele vragte sine man.
wi in diu rede gevele vil maniger do sprechen began.

Das er wol mochte riten in Eceln lant.
daz rieten im di besten di er da vnder vant.
ane Hagen eine dem was ez grimme leit.
er sprach zem kvenige tougen ir habt iw selben wider seit.

Nu ist iw doch gewizen was wir haben getan.
wir moegen immer forge zu Eriemhilde han.
wand ich stoch ze tode ir man mit miner hant.
wie getorste wir riten in das Eecln lant.

Do sprach der konech riche min swester lie den zorn.
mit chusse minnecliche si hat vf vns ver chorn.
daz wir ir ie getaten e' si von himmen reit.
ezen si et Hagen danne iw einem wider seit.

Nu lat iwch niht betragen sprach Hagene swes si iehen.
di boten von den Hivnen welt ir Eriemhilde sehen.
ir moegt da verliesen di ere vnt ovch den lip.
ia ist vil lanch räche des kvonech Eecln wip.

Do sprach zu dem rate der forste Gernot.
sit ir von scholden fuerhtet da den tot.
in Hivnisschen richen solde wirz dar umbe lan.
wir ensehen vnser swester daz wäre vil vbele getan.

Do sprach der fuerste Giselher zu dem degene.
sit ir iwch scholdech wizet frivnt Hagene.
so solt ir hi beliben vnt iwch wol bewarn.
vnt lazet diu getverren zu miner swester mit vns varn.

Do begonde zurnen von Tronege der degen.
ine wil daz ir iemen fuerhtet vf den wegen.
der getverre riten mit iw ce hove baz.
sit ir niht welt erwinden ich sol iw wol erzeigen daz.

Do sprach der euchen meister Rvmolt der degen.
der vremen vnt der chonden mohtet ir wol heizen pflegen.
nach iwver selbes willen wand ir habet vollen rat.
ich wäne niht daz Hagene iwch noch ver gifelt hat.

Welt ir niht volgen Hagene ir rätet Romolt.
wand ich ir bin mit triuwen vil dienstlichen holt.
daz ir solt hi beliben durch den willen min.
vnde lat den kvenech Ecel dort bi Eriemhilde sin.

Wi chvnde ir in der werlde immer sanfter wesen.
ir moegt vor iuvern finden harte wol genesen.
ir solt mit goten chleidern zieren wol den lip.
trinchet win den besten vnt minnet wällich ir wip.

Dar zu git man ir spise di besten di e' gewan.
in der werlt kvenech deheiner ob des niht mocht ergan.
ir soldet noh beliben durch irer schöne wip.
e' ir so chintliche soldet wagen den lip.

Des rat ich beliben rich sint iover lant.
man mach ir daz erlösen hie heime diu pfant.
danne da cen hronen wer weiz wie ir da gestat.
ir solt beliben herren daz ist der Romoldes rat.

Wir wellen niht beliben sprach do Gernot.
sit daz uns min swester so minnechlich enbot.
vnt Ecel der riche zu ir solde wir daz lan.
der dar niht gerne wolle der mach hi heime bestan.*

No lat ir vnbilden. sprach do Hagene niht.
mine rede darvmb. swie halt ir geschicht.
ich rat ir an den triuwen. welt ir irch wol bewarn.
so solt ir zu den hronen. vil gewärlliche varn.

Sit ir niht welt erwinden. so befendet irer man.
die besten die ir vinden. oder inder moget han.
so wel ich vor in allen. tosent ritter got.
sone chan uns niht gewerren. der argen Chriemhilde mvot.

Des wil ich gerne volgen. sprach der kunie zehant.
do hiez er boten riten. witen in sin lant.
do brahte man der helde. driu tofint vnt mer.
si wanden niht erwerben. also gremelichiu ser.

Si riten willechliche. in Gunthers lant.
man hiez in gebn allen. roffe vnt och gewant.
die mit in varn wolden. zu den Hynen dan.
der kunie in gotem willen. der vil manigen gewan.

Do hiez von Tronege Hagene. Danchwart den brooder sin.
ir beider rechen sehlich. bringen an den Rin.
die chomen ritterliche. harnasch vnt gewant.
des brahten vil der degene. in daz Gunthers lant.

Do chom der herre Volker. ein koene spileman.
hinze hove nach eren. mit driizech siner man.
die heten solch gewate. ez moht ein kunie tragen.
daz er zen Hynin wolde. daz hiez er dem chvnige sagen.

Wer der Volker ware. daz wil ich wizen lan.
er was ein edel herre. im was och vndertan.
vil der gvoten rechen. in Gurgonden lant.
durch daz er videln kunde. was er der spileman genant.

Tosent welt Hagene. die hete er wol bechant.
vnt was instarchen stvermen. hete gefroemt ir hant.
vnt swaz si ie begiengen. des het er vil geschn.
in chvnde och anders niemen. niwan fremcheite iehn.

Die boten von den Hynen. vil sere da verdros.
wande ir vorht zir herren. diu was harte groz.
si gerten tageliche. vrloubes von dan.
des engunde niht Hagene. daz was durch liste getan.

Er sprach zu sine herren. wir soln das wol bewarn.
das wir si iht lazen riten. e' das wir selbe varn.
dar nach intagen sibenen. wider in ir lant.
treit uns iemen argen wot. das wirt uns deste baz bechant.

Sone chan och sich vrov Chriemhilt. bereiten niht dar zu.
das uns durch ir räte. iemen schaden tuo.
hat aber si den willen. ez mag ir leide ergan.
wande wir fveren hinnen. manigen v3 erwelten man.

Sättil vnt schilde. vnt ander ir gewant.
das si fveren solden. in Ezelen lant.
das was nu gar bereitet. vil manigem chvenem man.
die Ezelen videläre. hiez man do ze hove gan.

Do si die forsten sahen. do sprach Gernot.
der chynic wil nu leisten. das Ezel uns enbot.
wir wellen chomen gerne. zu siner hochgezit.
vnt sehn unser swester. das ir des ane zwivel sit.

Do sprach der kunic Gvnther. ir solt uns wizen lan.
wenne si die hochgezit. zen hunen wellen han.
des antwertem konige. der bote Swämmelin.
ze nächten svnewenden. so sol si sicherlichen sin.

Der chynich in erlobte. des was noch niht geschehn.
ob si gerne wolden. Pronhilde sehn.
das si for si solden. mit sine willen gan.
das vnderstont do Volker. das was ir liebe getan.

Jan ist so sprach Volker. ein edel ritter gvot.
Pronhilt min frowe. nu niht wol gemwot.
bitet onze morgen. so lät mans ivch sehn.
do si sie wanden schowen. done chvndes niht geschehen.

Do hiez der chonic riche. der was den boten holt.
durch fines hercen tugende. tragen dar sin golt.
of den breiten schilden. des er vil mohte han.
ovch wart in richiv gabe. von sinen frivnden getan.

Gernot vnt Gifelher. Gere vnt Oertwin.
daz ovch si milte wären. daz wart da vil wol schin.
also riche gabe. si sie boten an.
daz si ir vor ir herren. deheine torsten enpfan.

Do sprach zo dem chunige. der bote Wärbelin.
her chonic lat iwer gabe. inivrem lande sin.
wir moget ir niht geforen. min herre ez vns verbot.
daz wir iht gabe enpfingen. ovch ist es decheinerslahte not.

Des wart der chonic here. sere vngemvot.
daz si versprechen wolden. so riches koniges goot.
doch moften si enpfahen. sin golt vnt sin gewant.
daz si mit in brahten. sit in Ezelen lant.

Si wolden sehen Oten. e' daz si schieden dan.
Gifelher der snelle. braht die spileman.
zehove for sine mvoter. div frowe enbot do dan.
swaz si eren hete. daz wäre ir liebe getan.

Do hiez div kuniginne. ir porten unt ir golt.
gebn durch Chriemhilde. wan der was si holt.
vnt durch den kuncz Ezelen. den selben spileman.
si mohtenz wol enpfahen. ez was mit triwen getan.

Uelovp genomen heten. von wibe vnt von man.
die boten Chriemhilde. mit frevden si do dan.
svorn vnz in Swaben. dar hiez si Gernot.
sine lote leiten. daz ez in niemen missebot.

Do sich die von in schieden. die ir solden pflegn.
div Ezelen herschaft. si vridet oof allen wegn.
des ennam in niemen. ir ros noch ir gewant.
si begonden vaste gahen. wider inder Hünen lant.

Swa si ir frivnde iht wisten. daz taten si den chvnt.
daz die Burgonden. invil chorcer stont.
zetal von Rine fveren. inder Hünen lant.
dem bisschofe Pilgerine. div märe wrden och bechant.

*Da si fver Bechelaren di straze nider ritten.
man saget es Rvedger daz enwart niht ver mitten.
vnde Gotelinde dez margraven wip.
daz si si sehen solde dez wart vil vrölich ir lip.

Gahen mit den mären sah man di spilman.
Eceln si funden in der stat ze Gran.
dienest vber dienest der man im vil en bot.
sageten si dem kvenige vor liebe wart er frevden rot.

Do div chvneginne div märe recht ervant.
daz ir broder solden chomen in daz lant.
do was ir wol ze mvte si lonte den spileman.
mit vil grozer gabe daz was ir ere getan.

Si sprach nu sagt beide Wärbel vnt Swemmelin.
welhe mine mage cer hohzit wellen sin.
der besten di wir ladeten her in dise lant.
nu sagt was redete Hagene do er div märe bevant.

Er sprach der chom cer sprache an einem morgen frv.
lvecel goter sprveche redet er der w.
do si di reise lobten her in Hivnen lant.
daz was dem grimmen Hagene gar cem tode genant.

Ez choment iower broder di chvenige alle dri.
in herlichem mvote swer mer da mite si.
der märe ich endecklichen wizen nine chan.
ez lobt mit in riten Volker der chvene spileman.

Des en bär ich harte lihte sprach des kveneges wip.
deich immer sähe den Volkeres lip.
Hagenen bin ich wäge der ist ein helt vil got.
daz wir in sähen mwezen des stat mir hohe der mot.

Do gie div chveneginne da si den kvenech sach.
wi rehte minnechliche Eriemhilt do sprach.
wi gevallent iv div märe lieber herre min.
des ie min wille gerte daz sol nu ver endet sin.

Din wille deist min vrede sprach der kuenich do.
ine wart min selbes mage ni so rehte vro.
ob si iemer chomen solden her in miniv lant.
durch liebe diner frivnde so ist min forge ver swant.

Des chveneges ammetliote di hiezen vever al.
mit gesidele rihten palas ont sal.
gegen den lieben gesten di in da solden chomen.
sit wart von in dem chvenege vil michel weinen benomen.

